

pahlivinga hla'alua

pahlivinga Hla'alua kiariari tam pakaritukuhlə, tarutatukuhluka
pahlumiamia hliparimia, tam 'ahlupuka hl hlusa Hla'alua, kuhlaisai
pakaritukuhlə macacahlia rumurumu tuvalaku, kuhlaisai, valakuvanukanuka
valakusarapungu sipahlivingi hlhlusa; aparaiahla mapahlivinga ahlaina,
sipakiapuhlu sitakua tamaiarəisa hlakana'ana, tam hliulavalava
tuminənə turarapuru aparaiahlə hlitapana.

pahlivinga hləngasə hlhlusana, matavuhliu mələngəsə tapungu tikuru,
lapai, tapisi malicəcə papuhla vanukanuka valaku'ukui nua sarapungu
valakutaurungu, hləngasə hlhlusa rianə hliarumia valaku'ukui hla
valakutaurungu tumamahləngə vanukanuka sarapungu, hlitahlisua
tuvakə ivavu sarapungu, hlitahlisua ulimakiana 'alapungu, hlipatavəhləra ia
vaciki ahlanə, aususuakiana 'alapungu takaukau, aisa hliasihlipa mapuhli
isisi hlatarəaə, pahlumiamia hlikuaivavu sarapungu 'alapunguna ia,
ta'iaraisaka hlitumaləluvə takaukauna, cucutahlana kiariari marapihlia
tahlana maləngəngəisana, miasasihlipi 'alapunguna sarapunguisa, tumua
kuapasapu muvavilihli hlitaləluvə takaukauna.

'ilikusu tikuru maru upatə hlimarisisiri tapə, angahli vaciki

miungu ahlanə mutəkutəkəhlə: mahlisarə, malangihlu, mapuhli, valacuku,
hlaka cukahlangə upatə tahlana, hla sipacanitəkə tahlana, vaasu ia
hliumikua sipaurara hliarumia ahlihla aləməhlə, sipuavahli cucutahlana hla
tam 'ahlupu, kaupaupangə ia hlimarikimiahlə ucanii raahlika
tuahlə marikipuahlə masipauraraisana.

taipa ahlaina ia, hliasihlipa 'ukucu turukuka, aluhli malicəcə, valacuku
malicəcə, mələngəsə tapungu tikuru, mahlarataə hlitinəna lapai
mavacangə tapə, taipa ahlaina hliasihlipa 'ukuhlucu turukuka, aluhli
malicəcə valacuku ahla mapuhli mələngəsə tapungu tikuru, valacuku tikuru
kaHlihlala nuka kaPaiciana, tapə mapuhli ia kaVilanganə pahlu miamiaisa,
miasasihlipi 'ukuhlucu turukukana ia, hlaka siliatənələisaka
hlitumaləluvə arupakari tahliaria akuisa arasəsəma hliangahli turukukana,
hlipasamanganə turukukana marapihli cucutahlana, ahlaina Hla'alua
marumuku apivivilau tarutatəatəkəhlə, tapə mavacangə hləngasə, maivavu
tikuruna tuahləita aunani pukarahla hləngasə.

(文章大意 僅供參考) ※字數限 200 字

拉阿魯哇的服裝

服裝有不同意義。男子盛裝為紅色長袖上衣、胸袋、柴火袋、黑色短裙加上山羊皮褲與山羌皮帽，皮帽前鑲貝殼、帽頂縫有五根羽毛，衣背有黃綠白藍色線條，勇士手上戴上臂環，用山豬獠牙製成，通常只能戴一層，頭目可配戴兩層。女性以頭巾纏髮，插上公雞羽毛髮髻，黑裙、藍或白色長袖上衣用不同顏色的流蘇，裝飾髮簪、上衣。服裝承載美麗的文化蘊涵，族服穿戴時機不能馬虎，通常在祭儀、節慶當中才可以穿上盛裝，以表示尊敬與禮節。